

## ELEGHE : Omwant'évwandé !



A Elèghè, ni ngôri yè y'olala,  
A Elèghè, n'impumbi sè s'onèmbè,  
A Elèghè, n'antcho mè m'apupu,  
Kwanga n'imbwiri gho gna gh'éléwé zè.

Ó Elèghè, wa djaghunizi ampénda,  
Ó Elèghè, wa rabuzigh'irèma,  
Ó Elèghè, wa ranizighi anagha,  
Kwanga gh'azimbighi ompung'éfaro gh'élélé zazo.

Ò Elèghè, wa déwani nkal'iyazo ?  
Ò Elèghè, wa fémi azév' imazo ?  
Ò Elèghè, wa tighi amfang' imazo ?  
Kwanga n'awiri, wa twéni lyélyélyé ?

Ngô Elèghè, ompunga é kalwa-ghalwa ?  
Ngô Elèghè, imèpa é figna-vigna ?  
Ngô Elèghè, onagha é témia-rémia ?  
Kwang' iviri ré sighigné mbora.

É Elèghé, omwanto évwandé...  
É Elèghé, von'ozo' odèyi'ré ...  
É Elèghé, von' ano opupu'ré...  
Kwanga timbiri gha vosw' édungu za ghèndizi wè gh'osèngè : ghunô, vô, gho, ghônô, bo !